



Protocol

Radunanza cumünala dals 10.9.2013

- Presidi: Peer-Puorger Victor
- Preschaint: 31 votantas e votants
- S-chüsà: Gerhard Hauser ed Jon Pitschen Janett
- Scrutinadurs: Corsin Casura ed Alfred Laurent
- Protocol: Luzzi-Barblan Georg

tractandas	tema	responsabel
13	011 Legislativa Acconsentimaint protocol	
14	700 Provedimaint d'aua Reglamaint davart il provedimaint d'aua	
15	710 Allontanamaint aua persa Reglamaint davart las auas persas	
16	720 Allontanamaint immundizchas Reglamaint davart las immundizchas	
17	021 Administraziun da fabrica Uorden da taxas	
18	790 Planisaziun dal territori Vendita chamonna a Tschlin a sar Armon Kirchen	
19	101 Masüraziun e termaziun Brat da terrain culs jertavels Jon Caviezel, parcella 215	
20	790 Planisaziun dal territori Uorden da zonas da quietezza per la sulvaschina	
21	021 Administraziun da fabrica Dumonda da credit fr. 120'000.00 per lavuors da mantegnimaint vi da la scoulina Vnà	
22	011 Legislativa Varia (radunanza cumünala)	

011 Legislativa
13 Acconsentimaint protocol

Il protocol dals 29.04.2013 vegn approvà. Il capo infuormescha, cha la tractanda a regard la dumonda da credit da fr. 120'000.00 per lavuors vi dal object scoulina a Vnà vegn spostada sün la prossma sezzüda, causa chi ston amo gnir fatts tscherts sclerimaints.

Sar Jachen Andrighetti giavüscha cha'l cumün resguarda il turnus da sezzüdas resp. radunanzas in tuot las fracziuns.

700 Provedimaint d'aua
14 Reglamaint davart il provedimaint d'aua

Avant sco cumanzar manzuna sar Andri Cantieni, schi nu füss pussibel in avegnir da publicar la documainta per retrar, eir sur la pagina d'internet. Il capo piglia posiziun in merit. El discutta quista chosa illa prossma sezzüda da la suprastanza cumünala.

Il capo cumünal infuormescha a las preschaintas e preschaints, sco cha'ls reglamaints sun gnüts elavurats. La basa es statta la documainta dal cumün da Tschlin. Il cumün da Ramosch nun avaiva parti ils reglamaints e las taxas in differents documaints. Tuot la populaziun ha gnü la pussibilità ouravant da retrar ils reglamaints pro'l büro cumünal. El repassa pagina per pagina, sch'ün o l'oter ha üna dumonda schi dess tal far quai subit. La radunanza cumünala fa bun unanim il „reglamaint aua“ dal cumün da Valsot chi aintra in vigur retroactivmaing a partir dals 01.01.2013.

710 Allontanamaint aua persa
15 Reglamaint davart las auas persas

Eir il reglamaint aua persa repassa il capo pagina per pagina e minchün ha la pussibilità da far dumondas. La radunanza approva unanim il „reglamaint aua persa“ chi aintra in vigur retroactivmaing süls 01.01.2013.

720 Allontanamaint immundizchas
16 Reglamaint davart las immundizchas

Sco ultim reglamaint segua quel da las immundizchas. Ils cumüns Tschlin e Ramosch avaivan plü o main similis reglamaints, causa quai nun esa stat da far gronds müdamaints. La radunanza approva eir quist reglamaint unanim. Eir quist reglamaint aintra in vigur retroactivmaing süls 01.01.2013.

021 Administraziun da fabrica
17 Uorden da taxas

Il capo infuormescha sco cha'l cumün ha analisà las cifras. Pro la fusiun as haja previs da tour las cifras bassas, là ingiò chi's po respunder resp. esser respunsabel. Las taxas da fabrica, las taxas per aua ed aua persa nu dan ingün andit da discusiun. Pro las taxas d'immundizchas es sar Gisep Gustin da l'avis, cha quellas per affars pitschens sajan massa otas, qui chi sustegna eir Duri Janett.

Il cumün ha spatri sü ils affars tenor grondezza resp. quantità persunas chi lavuran in quel affar. Tenor il cumün es quai il güst sistem, ma natüralmaing daja eir otras variantas per eruir la grondezza. Davo üna cuorta discussiun e davo chi nun aintran ingünas cuntrapropostas, decida la radunanza unanim d'approvar il „uorden da taxas“ suottamis a la radunanza.

790 Planisaziun dal territori
18 Vendita chamonna a Tschlin a sar Armon Kirchen

Per quista tractanda s'absantescha sar Armon Kirchen. Il cumün avaiva scrit oura per vender il vegl tir da schaubgias a Planas (140 m2). Entradas sun 2 offertas. La suprastanza cumünala ha trattà e suottamis a la radunanza la proposta da vender il surmanzunà object a quel chi ha l'offerta ota da fr. 7'200.00. Duri Janett metta in dumonda il sistem dad evaluaziun per surdar ün simil object, pro üna surdatta stuvevan gnir resguardats eir oters aspets sco be il predschi. La radunanza decida unanim da vender il surmanzunà object a sar Armon Kirchen per ün import da fr. 7'200.00.

101 Masüraziun e termaziun

19 Brat da terrain culs jertavels Jon Caviezel, parcella 215

Ils jertavels Jon Caviezel prevezzan da vender la chasa sülla parcella no. 223. Davant lur chasa via passa però ün vial chi nun appartegna ad els, d'impersè al cumün. Il jertavels han perquai inoltrà üna dumonda scha'l cumün füss pront da bratar ün toc terrain. Els cedessan terrain da listessa grondezza lung a lur parcella 223, percurter ceda il cumün il vial davant chasa da la parcella no. 215. Quist barat es stat in discussiun fingià pro'l cumün da Tschlin. Il cumün es interessà vi da la sribla lung la parcella no. 223 per pudair eventual üna jada schlargiar la via da cumün. La radunanza approva unanim il barat da terrain tanter ils jertavels Jon Caviezel el cumün da Valsot.

790 Planisaziun dal territori

20 Uorden da zonas da quietezza per la sulvaschina

Eir pro quist reglamaint haja dat be 2 müdamaints. Il cumün da Tschlin ed eir da Ramosch avaivan quasi il listess reglamaint. Ils 2 müdamaints sun üna jada la dürada da serrada a partir dals 20 december fin ils 20 avrigl e la pussibilità, ch'in avegnir das-cha il cumün abolir plü adura ils scumond sün proposta d'ün guardgiachatscha.

Sper quists müdamaints manzuna il capo eir la nouva zona in Val Chöglias. Quista zona sto gnir realisada insembel cul cumün da Sent, per evitar cha'ls skiunzs chi han in avegnir la pussibilità da rivar fin sül piz Val Gronda, causa la nouva s-chabellera, rivan our da la val fin a Zuort. La radunanza cumünala approva unanim il nouv reglamaint da quietezza ed eir la nouva zona da quietezza..

021 Administraziun da fabrica

21 Dumonda da credit fr. 120'000.00 per lavuors da mantegnimaint vi da la scoulina Vnà

Quista tractanda nu vegn trattada, causa chi mancan amo importantas indicaziuns davart da la Fundaziun Vnà.

011 Legislativa

22 Varia (radunanza cumünala)

Sar Jachen Andrighetti dumonda sco chi guarda oura culla realisaziun da la fundaziun Tschlin. Il capo piglia posiziun e manzuna, cha'l chantun resp. confederaziun nun haja acceptà la realisaziun d'üna fundaziun. La cumischiun chi surveglia quistas fundaziuns (Stiftungsaufsichtsbehörde) ha dat aint che chi sto capitar cul terrain e culla facultà. Il terrain es i via al cumün politic. La facultà resulta our da vendita da terrain e vess, quai chi riguarda Tschlin, stuvü ir via in ün conto da rechav pro'l cumün. Il rechav es però gnü invià sün ün conto pro'l cumün da vaschins. Eir quel import es uossa però pro'l cumün politic. Quists raps dessan gnir dovrats per evenimaints (socials, culturals e sportivs) chi sun degns da gnir sustgnüts davart dal cumün.

Georg Caviezel dumonda davò il stadi da la piazza da parcar a Martina. Il manader tecnic, Albin Paulmichl piglia posiziun ed infuormescha, cha davart la ditta „autos da Posta Svizzra“ ed eir davart dal chantun esa gnü acconsenti ün proget chi prevezza 5 plazzas da parcar per postas, per evitar cha tallas parcan ün pa ingio chi va güsta bain. Sar Georg Caviezel manzuna cha cun quist proget, vegnan s-chassadas diversas plazzas da parcar per automobilists. Tals ston pudair parcar in avegnir in ün oter lö. Il capo manzuna chi stuvarà gnir introdüt plü bod o plü tard ün uorden da parcar per tuot las fracziuns per pudair schoglier differents problems da parcar illas fracziuns.

Per finir manzuna il capo, cha sar Orlando Menghini (Stauffer und Studacher, Cuaira) es gnü elet da la suprastanza cumünala sco nouv planisader cumünal, implü cha'l cumün da Valsot es la prüma jada davant güdisch administrativ cun ün cas da fabrica a Tschlin.

Qua chi'ingün nu pretenda plü il pled, ingrazcha il capo per la cumparsa e giavüscha a tuots üna bella saira.

7556 Ramosch, 16.09.2013

Il capo:

Il manader administraziun: